



Broj: 05-50-1-2990/16
Sarajevo, 3.11.2016. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 03-11-2016		Broj prijema	
Organizaciona jedinica	Klasifikaciona oznaka	Redni broj	Broj prijema
01-50-1-15-		36	16

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 79. sjednici održanoj 3.11.2016. godine, utvrdilo je Odgovor na zastupničko pitanje koje je postavio Nikola Lovrinović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša




Bosnia and Herzegovina
COUNCIL OF MINISTERS

Broj: 05-50-1-2990/16
Sarajevo, 3.11.2016. godine

Nikola Lovrinović, zastupnik u Zastupničkom domu Parlamentarne skupštine Bosne i Hercegovine je dana 10.10.2016. godine, u skladu sa čl. 166. i 170. Poslovnika Zastupničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), postavio sljedeće zastupničko pitanje:

„Tko je i na temelju čega donio odluku da je gornja granica za priznavanje svakodnevnih troškova prijevoza s posla i na posao nabavom mjesečne karte ili refundiranjem stvarnih troškova mjesečne karte 80 kilometara i kada će ta diskriminatorna odluka biti promijenjena prema onima čije je mjesto prebivališta udaljeno od mjesta rada preko 80 kilometara?“

Na postavljeno zastupničko pitanje, Vijeće ministara Bosne i Hercegovine, u smislu članka 37. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na 79. sjednici održanoj 3. 11. 2016. godine utvrdilo je sljedeći:

ODGOVOR

Pravo na naknadu troškova prevoza na posao i prevoza sa posla u institucijama Bosne i Hercegovine regulirano je odredbama članka 41. stavak (1) Zakona o platama i naknadama u institucijama BiH („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16). Naime odredbama predmetnog članka precizirano je da zaposlenom u instituciji BiH pripada pravo na naknadu troškova prevoza na posao i prevoza sa posla, ukoliko u instituciji nije organizovan prevoz.

Visina, način i postupak ostvarivanja prava na predmetnu naknadu reguliran je Odlukom o visini, načinu i postupku ostvarivanja prava na naknadu za prevoz na posao i prevoz sa posla u institucijama BiH („Službeni glasnik BiH“, br. 4/09, 58/09 i 6/12), koju je donijelo Vijeće ministara BiH, sukladno odredbama članka 42. stavak (2) Zakona o platama i naknadama u institucijama BiH.

Odredbama predmetne odluke, između ostalog, utvrđeno je da je za priznavanje prava zaposlenog u instituciji BiH na nabavu mjesečne karte ili refundiranje stvarnih troškova mjesečne karte neophodno da budu ispunjeni sljedeći uslovi:

- da je mjesto prebivališta zaposlenog udaljeno od mjesta rada do 80 km.
- da zaposleni dnevno putuje na relaciji mjesto rada-mjesto prebivališta.

Navedena granica od 80 km utvrđena je na temelju procjene koliko zaposleni dnevno može da provede vremena na putovanju na relaciji mjesto prebivališta-mjesto rada, a da pri tome poštuje radno vrijeme i ostane psiho-fizički sposoban da izvršava poslove i radne zadatke radnog mjesta na koje je raspoređen odnosno postavljen.

S tim u vezi važno je naglasiti da se navedena gornja granica ne primjenjuje na zaposlene u institucijama BiH čiji je rad organiziran u smjenama na način da za uredno izvršavanje poslova nije potreban svakodnevni dolazak na posao i odlazak sa posla. Naime, sukladno odredbama članka 3. stavak (5) Odluke o visini, načinu i postupku ostvarivanja prava na naknadu za prevoz na posao i prevoz sa posla u institucijama BiH navedenim licima pripada pravo na naknadu troškova prijevoza za stvarni broj dolazaka na posao i odlazaka sa posla, s tim što se visina naknade utvrđuje sukladno članku 3. stavak (3) Odluke.

Napominjemo Vas da je Parlamentarna skupština BiH, na 17. sjednici Zastupničkog doma, održanoj 16. rujna 2015. godine, i na 9. sjednici Doma naroda, održanoj 17. rujna 2015. godine, usvojila Zakon o izmjeni Zakona o plaćama i naknadama u institucijama Bosne i Hercegovine („Službeni glasnik BiH“, broj 75/15) kojim je precizirano da se u članku 41. stavak (1) osnovnog teksta zakona riječi: „javnim prevozom“ brišu.

Donošenjem predmetnog zakona stvoren je zakonski temelj za koncipiranje drugačijeg modela obračuna naknade troškova prijevoza na posao i prijevoza s posla koja se isplaćuje zaposlenim u institucijama BiH. Naime, dosadašnji model obračuna predmetne naknade, koji je baziran na utvrđivanju visine naknade troškova prijevoza na temelju potvrda ovlaštenih prijevoznika, pokazao je brojne nedostatke i u praksi doveo do brojnih problema.

Sukladno naprijed navedenom, Ministarstvo financija i trezora BiH priprema Prijedlog nove odluke o visini, načinu i postupku ostvarivanja prava na naknadu za prijevoz na posao i prijevoz s posla u institucijama Bosne i Hercegovine kojom će biti predviđen drugačiji model obračuna predmetne naknade.